

重修兩淮鹽法志

兩淮鹽法志卷二十

圖說門

鄂岸圖說上

鄂岸圖說上目

湖北淮鹽舊岸圖說

漢口督銷總局圖說

淮界圖說

武穴督銷分局圖說

新隄分銷局圖說

德安府分銷局圖說

長江埠分銷局圖說

浙河分銷子店圖說

鼎字營緝私各卡圖說

羅田分銷子店圖說

麻城分銷子店圖說

黃安分銷子店圖說

河口分銷子店圖說

小河溪分銷子店圖說

凡十四圖

# 湖北淮鹽舊岸圖


三度


三度

三度

三度

三度






湖北淮鹽舊岸圖說


鄂省居湘蜀皖豫之中舊制除施南一府外餘俱爲淮  
鹽引地咸豐之初粵匪披猖淮運中梗當事者因民虞  
淡食暫弛私禁借食鄰鹽於是川鹽與北路諸鹽水陸  
競集而川鹽尤爲楚民所嗜食同治中鹽政曾國藩規  
復舊制禁逐鄰鹽獨川鹽以沿食旣久又稅爲鄂省餉  
需勢難禁止乃自荆襄以上凡五府一州借爲川界川  
淮並銷武漢黃德四府則仍爲淮鹽專岸引地視昔已  
十去其六又加德安府屬之應城與安陸府屬之京山  
天門行銷應鹽時有侵越故淮鹽歲銷日見減絀今以

舊制總爲一圖而應鹽暨川淮分界之處則用墨綫界  
之後各繪以分圖云

# 漢口督銷總局圖







三度三五分

每方十里

漢口督銷總局圖說

漢口居水陸之衝地屬漢陽與府治省垣相鼎峙襟江帶漢面山背湖故列肆蜂屯連檣蟻附爲鄂省第一巨鎮分駐同知通判及仁義禮智兩巡檢當淮綱全盛時商運商銷不必由官督理淮南鹺艦率先集此以轉銷各府州縣歲有定額自粵賊煽亂淮運道梗楚省悉食鄰鹽其後武漢澄清華夷互市輪船上駛設立江漢關移駐漢黃德道於鎮商貨日盛然浙岱等鹽因得洋舶甯波船以夾帶入境侵灌於鎮不可究詰同治三年規復淮綱舊制凡各省淮鹽引地通行設局由官督銷一


切局務遴委道員綜理以本省鹽道爲會辦於是卽漢口立督銷總局並設掛號卡於漢水入江處之南岸嘴如鹽船到岸必先赴卡掛號始行寄倉循序待銷或撥運各分局湘鹽過卡亦須查驗放行以杜夾私之弊光緒初復以商船上下仍或夾私灑賣防不勝防乃卽掛號卡改設沿江總巡卡隸以長龍舢板等礮船仍兼掛號如故其洋船及夾板等船之私則會商江漢關道增募洋摺一律查緝有獲則與礮船所繳同儲官倉名爲功鹽仍按斤給價墊發充賞有差


# 淮界圖

三度

三十度

三十度





淮界圖說


淮界圖者何所以別川界也湖北十府一州除施南嶮遠及宜昌之鶴峯長樂食川鹽外餘均淮鹽引地自洪逆倡亂長江數千里淪爲戰場鹽舶無一上駛於時楚民淡食當道始籌借食鄰鹽仿明王守仁遺法立卡抽稅以濟軍需由是北潞諸鹽聞風麇集川鹽踰涪萬穿夔巫以東入楚其後來源益旺荆宜武漢諸府到處侵灌遂貽淮鹽心腹之患同治中規復淮制終以積重難返驟難禁遏乃調停立約分界並銷以荊州各府借歸川界仍兼銷淮引而武漢黃德四府向所稱腹地者遂

自此別爲淮界矣然引地視昔雖狹而武漢黃德四府  
除應城自銷應鹽外餘猶四州二十三縣每歲暢時或  
銷至十二三萬引滯則不及十萬引見定每年運行十  
五萬引然商販疲滯率三歲而銷兩歲之鹽計每歲約  
銷十萬餘引

# 武穴督銷分局圖

三十度

二十九度四十九分







武穴督銷分局圖說


武穴地屬廣濟居泊南五十里帶江枕湖初不甚著自洋舶通市此爲衝要商貨鱗集雖繁庶亞於漢口要自爲黃屬最大之市鎮也地駐分防同知及淮鹽掣驗爲鹽船入鄂第一門戶凡運湘運鄂必經卡加戳截角驗訖始得放行同治六年以江西鹽岸設有吳城分局便商疏引頗著成效武穴地居衝要應仿照分設遂於七年創立督銷分局初由漢局派商號二成提運後或越次相競始議就商船經過量數截留銷路暢旺幾與漢口總局埒蓋由東抵黃梅西接蘄州南通興國大冶鄉

戶肆商遠相販售市廣銷暢理勢然也歲銷可五萬餘  
引

新隄分銷局圖


三

二十九卷四十二分



三十一度

二十九度四十分



新隄分銷局圖說


新隄屬沔陽州距州治百二十里分駐州同人煙繁聚然襟江帶湖歲苦沮洳亦澤國也同治開川淮分界議自安荆各府以上借歸川界爲川淮並銷沔陽以下屬淮界專銷淮引川鹽越境卽以私論遂就新隄設局由漢局派商撥運價如漢局一律時同治十一年也顧地居荊州下游密邇川界故川鹽得自沙市東泛白鷺等湖以集監利時有浸灌又東界漢川漢陽北界天門潛江南又爲湘東境渡江數十里卽岳州臨湘巴陵等界以次至城陵磯而轉入洞庭湘岸鹽船均必由此上泝

其舵工水手每夾帶腳鹽於沿江停泊灑賣而北界天  
潛之處皆河港分歧川鹽應鹽歲亦閒多越入是皆足  
礙銷路爰就局南設總巡一卡佐舢板礮船四擇扼要  
處爲專卡者八駐礮船十有六其西卡曰府場曰小沙  
口西北曰潘家壩均陸地也其各佐礮船而東濱湖港  
曰楊家嘴北濱漢水曰仙桃鎮脈旺嘴其居江南岸曰  
嘉魚之橫河口蒲圻之出新店是也其餘礮船所分駐  
者九卡曰峯口島口汊河口通海口蓮子口袁家口楊  
樹峯多祥河及州治近城內河星羅密布常川梭巡官  
銷較暢歲可五千引有奇

德安府分銷局圖


三十一度十八分

三十一度





三十一度十八分  
三十一度



德安府分銷局圖說

德安府在省治西北三百里水程自漢口至新溝卽湏口爲湏水入漢處沂湏西北逕長江埠次由子隔蒲兩潭歷胡金店巡店凡三百六十里抵府治府轄四縣一州舊本淮綱腹地歲定額銷萬七千引自淮運中梗遂爲鄰私侵踞嗣後規復淮制同治十二年始就城中民居設局鹽提真梁減價疏銷歲由漢局撥運時因戶口彫敝闔府僅定七千五百餘引月派各屬認銷安陸月二百六十引雲夢減半應城隨州各八九十引惟應山僅十八引耳然尙銷不足數分設各屬子店留雲夢一


隅慮地近長江埠致礙銷路也光緒七年改就府城內  
通判署廢址建倉造局規模稍壯十二年復以密邇應私  
於府西南之雙合店蕭家棚並隨州之聖廠唐縣鎮漢  
川之蝦子溝麻河渡雲夢之隔蒲潭各設緝卡佐以舢  
板礮船巡緝然肆商水販陽雖赴局挑運陰每私羈應  
鹽以漁重利致鹽味苦澀鄉民咨嗟故銷數旺歲纔二  
千四百引有奇

# 長江埠分銷局圖

三十度

三十度五十分

漢江埠分銷局應城  
應城不設為應




度三西

分一十五度二西

三度

三度五十三分



度三西

分一十五度二西

長江埠分局圖說

長江埠寄應城縣境俯瞰潁水居縣治四十里之東南隅北至德安府治九十里岸東及偏北數百步皆雲夢地南接漢川諸境纔二里餘越漢川雲夢而東不二十里界孝感埠駐巡檢爲德安濱河鬧市同治十二年府城設立分局鹽仍由漢撥運夏秋水漲由漢上泝入潁口穿漢川諸湖逾埠乃達冬令湖涸則必遠遠百里越新口渡牛鹿河以次於埠進泊隔蒲潭然後僱夫牽挽始克抵局沿途漏耗勞費實多乃議卽埠建倉寄儲待運官商稱便其後寄積太多就倉試售漢川雲孝諸縣


附近鄉市紛至沓來由是漸推漸廣改倉爲局委員承辦歲銷加豐計近五千餘引





三度

三度四十二分




浙河分銷局圖說

浙河市濱滙水屬隨州在州治東二十里又東南百一  
十里至德安府城德安隸四縣一州惟州擅殷富地亦  
袤廣南北近三百里所隸各市如厲山鎮唐縣鎮安居  
潁潭肆屢櫛比約二三千戶他若沙河小林等店各數  
百戶不等故浙河一市雖千有餘家於州屬亦僅爲適  
中也然地鄰豫省北潞私鹽下灌常多又沙河狹淺易  
淤必夏秋盛漲商船運載始得由府泝流抵市故官鹽  
之上至亦少同治十二年於府城立分銷局以府屬州  
縣各定額數隨州月認銷七十八引地亦較遠遂卽市


分設子店初銷頗滯其後稍振雖由州牧按季檄催而官銷不過南數十里其北潞兩私之販食於西北者如故也北私自信陽沂淮至淮河店入州東北境逕南小林竹林兩汎而集於王子城其東由應山界崖子河入者則萬家殷家兩店暨高城爲之窩囤焉潞私由河南唐縣東穿棗陽逸家塘以入於西之三合店而界牌口一路又爲桐柏私販來源侵灌於青苔厲山等鎮光緒十二年於唐縣鎮及京山接壤之聖殿分設緝卡堵截北潞兼防應私歲銷旺時纔千七八百引

鼎字營緝私各卡圖



三十度

三十度



鼎字營緝私各卡圖說

邊界營卡之設所以戢私廣銷也鄂岸自川淮分界銷路僅武漢黃德四府然德屬之應城自銷應鹽漢陽逼近川界惟武黃尙居腹地而黃州又北連豫皖河南羅山所屬仙花鎮諸處皆北潞私販出沒之所近界小民轉售射利爲淮綱患同治七年乃於沿邊諸路增設緝卡復佐以鼎字營弁並山徑交錯處亦分割焉計自羅田暨應山東西約六百餘里爲卡凡十六處其在應山者曰廣水驛在孝感者曰小河溪會亭河在黃陂者曰河口姚家集蔡店柿子樹在黃安者曰黃陂站凡西界

八卡爲副營各哨分割處其自站以東亦八卡在縣境者曰箭廠河在麻城者曰歧亭兩路口舊店虎耳山磨石九歇山在羅田境者曰松子關爲正營各哨分割處而歧亭則統領所駐星分基布常川梭緝所獲私鹽就近送緝卡發子店變價充賞以資鼓勵







羅田分銷子店圖說


羅田在黃州東北距府治百八十里自府東沿江至巴河鎮爲巴水入江處循巴水上泝百數十里至尤河嘴止夏秋水盛舟行可逕抵縣城縣處萬山中東至鳳凰關再五里曰朦朧山爲舊日淮鹽緝卡營弁分割處逾山東行爲樂利河抵安徽英山界由樂利河北循太乙黃龍等山復東折插入安徽霍山界曰甕門關東北曰青苔關關北一山聳峙爲縣境與皖豫兩省犬牙錯處東屬霍山西隸河南商城卽俗稱三省腦者自此西踰栗子銅鑼兩關逕白沙嶺漸轉而北接麻城界有關雄


據扼其衝要則今淮鹽緝私營卡之松子關也北私梟  
販百十爲羣常絡繹於道同治七年始卽關設卡派員  
巡緝並移鼎字營哨駐之其後光緒九年復以山城市  
遠爲設淮鹽子店終歲僅銷三百餘引

# 麻城分銷子店圖

三十度十四分

一






麻城分銷子店圖說

麻城爲黃州屬邑距府治北百八十里戶多殷實有河繞縣南流合舉水至兩河口順河迎河兩集水左右以次入西南逕宋埠岐亭漸入黃岡界至鵝公頸入江水盛鹽舶由此上泝直達縣治冬涸則止宋埠或由岐亭陸運兩市向俱稱盛焉縣北半皆山麓正中爲穆陵關危峰峭立界限楚豫東西綿亙數百里有兩嶺蟠關左右嶺陰俱屬河南一枕商城一抵羅山卽大小界嶺也小界西爲白沙黃土兩關夾兩關中爲舊店大界南爲兩路口東爲雙廟爲隘門迤隘門南爲長嶺又南爲羅

田松子關由關西旋縣境有山嵒嵒與雙廟隘門相鼎峙者爲九歇山西復至兩路口計關凡六此麻城南北水陸形勢也同治七年以各關均係北私來路遂於隘要之舊店兩路口設專卡派員駐緝復佐以鼎字營弁分劄九歇山光緒九年始於城內分設子店私販日少官銷頗暢歲近二千引


# 黃安分銷子店圖

三十二度三十分





三度三十分




黃安分銷子店圖說

黃州府北諸縣惟黃安最遠距府治二百四十里西北  
八十里達省城縣本巖邑北四十里曰七里坪有商設  
淮鹽分店又四十里曰黃陂站分汛巡檢駐焉同治七  
年以站北仙居等山均接河南羅山界爲北私來路遂  
於站設緝卡並東六十里之箭廠河分劄鼎字營弁兵  
往來梭巡光緒九年復於縣城特設子店由漢局撥鹽  
押運蓋地旣阻山時虞淡食設店售鹽所以便民也歲  
銷七百餘引



三十一度三十分

三十一度



河口分銷子店圖說

河口屬黃陂縣市肆頗盛駐大城巡檢至縣治百二十里距漢口總局二百里自漢口東北四十里至瀟口驛又四十里至縣治盛夏水漲由後湘湖汭瀟水遠亦如之縣治北六十里爲長軒嶺有兩路一東北至河口一西北至梅店姚家集又次至蔡店店西至孝感會亭河小河溪西北至毛家集再北則河南羅山界也其由瀝口北次雙廟楊店等驛爲鄂省至應山暨河南信陽州官道別詳廣水子店圖說同治七年以河口北鄰河南其羅山仙花鎮關王寺與毛家集均爲北鹽窩囤私販

來源由此下灌以及江漢因卽地設專卡派員堵截並  
移劄鼎字營哨協緝光緒九年因邊界各縣距漢局較  
遠始更移鹽就市設店分銷十二年復於河口添設子  
店旋分售於蔡店姚家集等處歲近二千引視他子店  
爲優云







小河溪分銷子店圖說

孝感境南北逾三百里而小河一市居中地當楚豫驛衝又濱潯溪舟車麇集爲邑諸市冠同治七年以地連豫界爲北私入楚要道始派員就市設卡堵緝光緒十年復以地距漢局太遠兼設子店移鹽就民遂爲邊界七子店之一其地西南至德安西北至廣水驛均不及九十里獨北出九里關抵豫之羅山信陽界及由關南下土門逾馬口嶺毛家集接黃陂西境則俱百數十里之遙山徑崎嶇爲北私梟販淵藪近歲移鼎宇副營分札於市暨東三十里之會亭河然銷不甚暢歲僅四百

引

兩淮鹽法志卷二十

兩淮鹽法志卷二十 圖說門 鄂岸圖說上

兩淮鹽法志卷二十一

圖說門

鄂岸圖說下

鄂岸圖說下目

應山廣水驛子店圖說

漢川垌塚分銷子店圖說

崇通商辦子店圖說

川界圖說

沙市分局圖說

沙洋分局圖說

朱家河分銷局圖說

襄陽提標選鋒營緝私各卡圖說

樊城分銷局圖說

雙溝子店圖說

老河口分銷子店圖說


宜城子店圖說

棗陽子店圖說


凡十三圖

三十一度四十五分

# 應山廣水驛子店圖



三十一度四十五分



應山廣水驛子店圖說

廣水驛在應山縣東五十里爲楚省往來驛路煙戶較盛南七十里爲孝感之小河溪由驛北渡臘園河逾永豐東篁兩店至武勝關凡六十里抵豫省信陽州界出關逕茶山又十餘里卽該州觀音驛自縣治北七十里曰平靖關駐有巡檢關西南曰黃土關距縣四十里黃土北三十里曰黃蓬均又西北曰仰天窩皆界接信陽疊嶂層巒谿徑縈曲爲北私潞私淵藪梟販肩運往往由此偷越下灌德安同治七年通籌地勢於廣水驛派員設卡常川截堵光緒十年改設子店仍兼緝私並移


鼎字副營駐驛協緝近歲更卽縣城設立分店然歲銷甚微合計不越三百引



三下皮

五十五

漢川垌塚分銷子店圖




三度

三度五十分

西度十分

西度



西度十分

西度

每方重

漢川垌塚分銷子店圖說


垌塚一市僻處漢川縣之西北隅距城百一十里包天  
應諸湖煙戶近四百家光緒九年以應私由此侵越灌  
及雲孝沔漢各屬遂卽市分設子店鹽由長江埠局運  
往十二年復於麻河渡蝦子溝一帶設立專卡並邵家  
嘴李家榨及市東南岸各駐一舢板礮船往來巡緝私  
乃稍斂十六年裁蝦子溝並歸麻河渡卡兼辦以節糜  
費蓋市西百步外卽天門之蒿歧團東渡湖爲應城李  
家等集北至虎山東復屬於應城西迤而南逕六合鎮  
皆天門界應私易侵入以故店設數載銷數不過三百

引上下


三度

二十九度三十六分

# 崇通商辦子店圖



披三西



二十度三十六分

司寇司 事三國元不

崇通商辦子店圖說

武漢黃德四府皆爲淮鹽專岸然漢陽黃州德安各設分局子店而武昌獨無亦以地近漢口僅隔一江其附近屬縣亦均不及二百里挑運負販自可朝發夕至卽距漢稍遠西如嘉魚蒲圻咸甯則密邇新隄東如興國通山大冶亦復近鄰武穴行商水販以暨市井編氓其運銷售食者均便也惟崇陽通城兩縣至省較遠其水程則必由江上泝循漢沔各埠入陸溪口穿嘉魚縣境轉泛湖港設水涸又須陸運數十里乃至地接江西義甯州及湖南平江臨湘兩縣鹽銷碱片名曰安梁與

各屬梁鹽色質迥異兵燹後岸爲川私侵占其時票商  
運行梁鹽民以鹽不合銷藉口同治十一年運商請試  
運揀淨碱鹽干引於通城暨崇陽之沙坪堡設店試辦  
以符舊章終以私多引滯稟請檄委催銷並懇於麥市  
北港等處設卡巡緝時因費絀令兩縣另委汛弁就近  
弋捕私亦稍斂由是歲銷小引漸增至二千數百有奇  
該兩店事務俱歸商人自行經理惟鹽課則仍歲繳漢  
局轉解




# 川界圖

三度

上度

三十度

三十度




三十五度

三十五度

三十五度

三十五度



川界圖說

川界荆宜各府皆淮鹽舊曰引地今爲川鹽借銷之處  
粵稽定制鄂省惟施南阻山艱於牽挽聽民近食川鹽  
其他九府一州卽宜昌鄖陽去省一二千里但通舟楫  
亦均編入淮綱自咸豐初寇亂江淮路梗川鹽西下夔  
巫自荆宜直趨武漢各府舟車轉運絡繹於道同治初  
年規復淮制禁遏川鹽時議以川稅爲餉需大宗川鹽  
入鄂沿食已久勢難禁止乃以荆襄鄖宜及安陸荊門  
五府一州地借銷川鹽名爲川界而淮鹽之運於各府  
者亦仍照舊行銷並行不悖設立配銷局於沙市其武


漢黃德四府則專爲淮界川鹽越入者設卡堵截此川  
淮分界之始也其後以川銷日廣淮銷日滯撤沙市配  
銷局亦爲分局移歸新隄而川鹽終暢於淮鹽歲久浸  
淫宣賓奪主規復引地正非可旦夕期耳


# 沙市分局圖

三度

三度二十九分

三度






沙市分局圖說

荊州古稱重鎮扼吳蜀湘豫之衝沙市距府治僅八里富繁亞於漢口地勢然也初本淮鹽引地自咸豐年間淮運中梗借食川鹽川鹽入楚遂成積重難返之勢迨同治八年大吏調停自荊州以西暨安襄各府借歸川界川淮並銷議川鹽每百斤配搭淮鹽二成立配銷局於市旋以歲多淹引撤歸淮界移設新隄後淮商恐失舊岸僉請復設遂於光緒十年設局開辦創行減價敵私之法鹽提重淋色味埒川然銷數雖視昔稍優終不甚暢歲銷五六百引

沙洋分局圖








沙洋分局圖說

自荊州沙市北泛長湖水大出鯽魚口冬涸則遠由腰  
口折北至滋裏而陸又五里達沙洋此近口川鹽沂漢  
銷安襄各府之運道也沙洋屬荊門州距州治百二十  
里襟帶漢水分駐州同與鍾祥所屬之石牌同稱濱河  
鬧市分銷淮鹽起於光緒十年初係子店隸於沙市近  
始改爲分局定章一如沙市復分設子店於石牌然引  
銷迄不甚暢以地屬川淮並銷賓強主弱勢難相敵又  
渡河卽京山界京天應三縣專行應鹽朝發夕至時有  
侵越故歲銷不滿一千引





三度

二十九度五十分

朱家河分銷局圖說


朱家河居監利東偏西南至縣治水陸均四十里又西爲密圻司次江陵郝穴次沙市凡百六十里至荊州府城東則舟行由樟梓湖口入洪湖由湖至羅山新隄等處北爲磔子諸湖枝港蔓流指不勝屈南逕聶家河至白螺磯又三十里至荆河腦爲湘沅諸水匯洞庭入江處川鹽越運侵灌湘鄂此爲要途同治中以荆襄各府借歸川界爲川淮並銷遂於光緒十年設樊城沙市等局減價疏引時議於郝穴並設子店旋以逼近沙市酌移朱家河地遠懸殊銷路無礙由是設局開辦價如沙


市然監利北接潛江沔陽尤稱澤國湖河交滙漕漚縱  
橫夏漲秋霖民不安居故朱家河一市雖煙戶頗繁歲  
多水患卽遇豐稔其銷鹽亦未能加多每年約不過三  
四百引

# 襄陽提標選鋒營緝私各卡圖

五度

三度








襄陽提標選鋒營緝私各卡圖說

淮綱全盛時襄陽歲銷較他郡爲最優自軍興後鄰私  
麇集以地接河南至鄂垣七百餘里其光化棗陽等處  
又均北界唐鄧私梟出沒百十爲羣甚或操執器械動  
與官抗蓋俗本悍戾亦積習然也同治中自荊州以上  
借銷川鹽襄樊已爲川界然淮鹽上運仍自並銷近歲  
因樊城設分銷局且於棗陽宜城及老河口等處分設  
子店令提標汛弁就各縣衝要立卡梭巡計凡十有六  
處其東在棗陽者五曰縣東北六十里之錢家岡北五  
十里之湖河鎮四十里之劉家砦西北七十里之楊家

堵西五十里之官莊在襄陽縣境者八曰東九十里之黃觀寺東北百一十里之鄢家埠九十里之朱家集北六十里之呂堰驛七十里之下薛家集九十里之黑龍集石橋子及北太山廟在光化者二曰治東四十里之竹林橋五十里之上薛家集其最西距樊城二百六十里在均州境者曰治東五十里之槐樹關是也皆由東迤西相距二三十里聯爲一氣互相防堵用是私販斂迹官銷爲之加暢云






樊城分銷局圖說

樊城鎮居襄陽北岸南卽府治距省治七百九十里地當南北水陸之衝舟車輻輳煙戶萬家塢於沙市自輪舶入鄂仕商改途鎮市較昔稍冷寂矣初本淮鹽引地洎咸豐閒淮運中梗北潞川鹽到處麇集同治初規復淮引凡前引地次第設局樊城亦於七年開辦其時北潞各私漸稀獨川鹽運售如故十一年自荆襄以西借歸川界爲川淮並銷樊城之局遂裁光緒十年淮商慮失舊岸僉請更設創行減價敵私之法乃與沙市沙洋同時並設卽今分銷局是已然終以鎮北壤連豫省北

潞兩私類多下灌故雖極力經營而引銷視昔僅爲稍暢近歲始籌設子店於棗陽宜城暨鎮東六十里之雙溝市兼緝私販十六年復移棗陽分店於光化縣之老河口地甚扼要歲銷四五千引





三十二度十八分

三十二度



雙溝子店圖說

自樊城沿漢水十五里至龍坑爲豫省唐北兩河入漢水處沂河而北風順約半日程有市翼然夾河兩岸者雙溝市也市屬襄陽東北距縣治七十里歷肆頗盛有巡檢千總分駐顧地鄰豫省北五十里抵鄆家埠卽河南新野界又十里許至蒼台地濱唐河爲北路兩私囤積之所私梟販售往往由此下駛越市至兩河口直灌襄樊爲淮綱肘腋之患光緒十二年始派員就市設卡旋以私鹽漸緝官局過遠改爲子店仍兼緝私就隸樊局鹽亦由樊撥運十五年復於兩河口並設一卡與市

杞特角且佐以舳板礮船往來巡哨梟徒爲之斂跡惟  
地屬川淮並銷故歲銷僅六七百引



度五西

分五

每方千里

河南内湖界

縣家私屬

山天三

水分

水龍港

朱家河

橫家河

念紅

湖容慈

廣方港

北封國

化光

子學

大聖

山

上

山

山

山

山

山

山

山

山

山

山

山

山

家王河

山

山

山

山

山

山

山

山

山

山

山

山

山

度五西


分

老河口分銷子店圖說

襄陽屬邑惟光化地最狹小東連河南之鄧州北抵內鄉均不及四十里獨所屬老河口一市人煙櫛比商貨麇集濱漢通江爲商旅必由之路市在光化縣南三里爲左旗營巡檢分駐處近歲川鹽亦於此設立分局川鹽運道必由沙市繞出漢水而後上泝樊城以轉達於市又湍急灘淺不勝重載至或不時價多騰貴紳民病之光緒十六年始以市距樊城水陸皆百八十里商之本地官紳移棗陽分店於此鹽則仍由樊局用小舟泝流挽運價增水腳有差於是民相趨售開辦不逾兩月

銷逾四百引較川鹽爲稍暢倘從此漸推漸廣歲銷可  
期倍增也

# 宜城子店圖








宜城子店圖說


宜城居襄陽下游距府治九十里風帆上溯一水之便  
惟河皆活沙朝聚夕遷游移靡定歲爲舟楫患行旅苦  
之光緒十一年以北潞兩私浸灌襄棗各路設卡堵緝  
鄉僻小戶淡食時虞始由樊局運鹽分設子店於城內  
東街派員分銷從民便也時或川鹽踊貴鄉販亦稀歲  
銷頗暢今沙樊各埠川鹽分局以次增設價雖畧高於  
淮而滷少味鹹民趨若驚以致歲銷寢微不滿三百引

棗陽子店圖

三十度六分

三十度





三十一度九分

三十二度

棗陽子店圖說

棗陽在府治東北百四十里由縣北行五十里逕唐子山山陰卽河南唐縣界繞山而西逾湖河鎮至郝店又前二十里爲新野之倉台山以東曰雙河鎮錢家岡又東逕家塘抵隨州界迤北爲邢家川又北爲馬山口卽河南桐柏唐縣與隨州棗陽犬牙相錯處是皆北私潞私窩囤暨私販出沒要路光緒十三年始由樊局分設子店於縣就雙溝卡員兼辦引銷歲不滿百乃令提標汛弁擇扼要處之楊家壩錢家岡湖河鎮劉家砦官莊設爲五卡撥兵堵截後又派員駐辦加意整頓私乃

稍斂歲銷漸及四百引惟距樊局寫遠山溪淺狹不任  
舟楫多用竹筏挽運卽夏漲亦僅抵璩家灣平日皆假  
牛車陸運遇冬令日短或再宿始達沿途拋撒引銷絀  
而勞費多運商每以爲苦十六年冬移設子店於光化  
縣之老河口僅留卡防緝以節糜費旋因居民藉口淡  
食國販充斥且更浸淫下灌仍復添設以敵私販兼藉  
以屏蔽樊局也

兩淮鹽法志卷二十一